

五代春秋卷上

宋尹洙撰

梁太祖

丁卯

戊辰

開平元年四月甲子帝即位于汴州戊辰改元
 建汴州為東都改京師為西都五月李思安
 帥師及晉人戰于潞城思安師敗績
 二年三月壬申帝幸東都征
 潞州丁丑汴州晉人還師四月丙午帝還
 東都五月晉人救潞州夾城遂攻澤州六
 月戊申淮南張灝弒其君偓吳人朱張灝秦



巳巳

人來寇雍州同州劉知俊敗秦師二幕谷八
 月晉人來侵晉州九月丁丑帝西征次陝州
 十月丁巳帝還東都楚人克朗州殺雷彥恭
 三年正月甲戌帝幸西都辛卯帝祀上帝于圓
 丘三月甲戌帝幸河中四月同州劉知俊伐
 秦克廊坊丹延四州五月己卯帝還西都殺
 雍州王重師六月同州劉知俊叛附于秦辛
 亥帝西征次陝州劉知俊奔秦幽州劉守光
 伐滄州執其兄守文以歸七月晉人來攻晉
 州乙亥帝還西都八月楊師厚帥師援晉州

午庚

未辛

晉人還師十月甲午帝告謝于圓丘秦人來
 侵靈州陝州康懷英侵秦克寧慶衍三州秦
 人來襲懷英師敗于昇平
 四年正月燕王守光克滄州五月鄴王紹威薨
 八月晉人秦人來侵夏州庚寅帝西征次陝
 州九月己丑帝還西都十一月趙王鎔定州
 王處且附于晉王景仁帥師北討次于栢鄉
 乾化元年正月丙戌朔日有食之王景仁及晉
 王趙人定人戰于栢鄉景仁師敗績晉師圍
 邢州二月晉師侵魏州楊師厚帥師援邢州

申壬

晉人還師五月改元南海王隱薨六月晉人
來侵湯陰九月帝北征次魏縣十月延州高
萬興克藍州十一月壬辰帝還西都
二年二月甲子帝北征次貝州侵趙克枣强進
次菑縣圍之晉人救菑帝還師滄州張万進
以地來歸四月己巳帝遂幸東都帝不豫五
月甲申還西都薛貽矩薨六月戊寅皇子有
珪弒逆帝崩于寢殿殺友文八月河中朱友
謙附于晉康懷英帥師攻河中晉王救河中
十月懷英師敗于白徑嶺十一月甲寅葬太

末帝
祖皇帝于宣陵

酉癸

乾化三年二月帝即位于東都誅友珪西都軍
大掠殺杜曉五月楊師厚帥師侵趙十二月
晉王克幽州以燕王守光歸晉陽誅之

戌甲

四年七月晉人來侵邢州九月徐州蔣殷叛附
于吳牛存節帥師討徐州吳人救徐州存節
敗吳師于城下

亥乙

正明元年正月牛存節克徐州誅蔣殷三月魏
博賀德倫叛于晉邠州李保衡以地來歸六

子丙

月晉王入魏以賀德倫歸晉師遂取德州十
一月劉鄩帥師侵晉十月誅友孜十一月改
元

二年二月王檀帥師侵晉攻晉陽不克劉鄩及
晉王戰于元城鄩師敗績三月晉人取衛州
洺州六月晉人圍邢州七月相州張筠逃歸
相州入于晉邢州閻寶叛以地入于晉滄州
戴思遠逃歸滄州入于晉晉人又取具州盜
殺鄆州王檀

丑丁

三年二月晉人來侵黎陽十二月己巳帝幸西

寅戊

都晉人來取楊劉

四年正月晉人來侵鄆州己卯帝還東都謝彥
章帥師侵晉攻楊劉晉王救楊劉彥章及晉
王戰彥章師敗績十二月賀瓌殺謝彥章賀
瓌及晉王戰于胡柳陂晉師敗績是夕再戰
瓌師敗績晉人遂取漢陽邠州李保衡以地
來歸

卯己

五年正月晉人城德勝夾河為柵三月兖州張
守道叛附于晉四月賀瓌帥師攻德勝南城
不克八月王瓚帥師侵晉十月劉鄩克兖州

誅張守進十二月王瓚及晉王戰于河曲瓚師敗績

庚辰

六年春河中朱友謙襲陷同州六月劉鄩帥師圍同州九月晉李嗣昭救同州劉鄩及晉李嗣昭戰鄩師敗績

辛巳

龍德元年三月趙人張文禮弒其君鎔四月陳州友能反師圍陳州七月友能降赦之八月晉閻寶帥師討張文禮十月戴思遠帥師侵晉攻德勝北城晉王救德勝思遠及晉王戰于戚城思遠師敗績定州王處直為其子都

所廢

壬午

二年正月戴思遠侵晉取城安遂攻德勝北城晉王敗契丹于新城二月晉王救德勝思遠退師八月段凝帥師攻晉衛州克之晉李存審克鎮州誅張文禮

癸未

三年三月潞州李繼韜以地來附四月晉人來取鄆州五月王彥章帥師侵晉攻德勝南城克之晉師棄德勝北城保楊劉王彥章圍楊劉不克八月段凝帥師侵晉十月辛未朔日有食之晉王來襲中都王彥章師敗于中都

彦章歿于師晉師迫京師戊寅帝崩于建國樓下

後唐莊宗神閔皇帝

未癸

同光元年四月己巳帝即位于鄴都十月戊寅

滅梁己卯帝至汴州誅敬翔李振十二月庚

午帝至京師誅潞州李繼韜

申甲

二年正月契丹來寇幽州庚申帝幸河陽辛酉

帝迎皇太后至京師二月己巳帝祀上帝于

圓丘四月秦王茂正薨盜據潞州五月克之

十一月癸卯帝畋于伊闕丙午帝還京師十

酉乙

二月庚午帝及皇后劉氏幸張全義第

三年正月契丹來寇幽州庚子帝幸鄴都遂幸

德勝故城庚辰帝還京師四月辛亥朔日有

食之趙先胤薨大旱秋大水七月皇太后曾

氏崩九月皇子繼岌郭崇韜伐蜀十月葬皇

太后于坤陵十一月蜀王衍降

四年正月皇子繼岌害郭崇韜于蜀帝殺弟存

又及李繼麟二月康延孝據漢州拒命盜發

具州陷鄴都李嗣源帥師討鄴都三月任圜

帥師克漢州誅康延孝李嗣源入于鄴都殺

戌丙

王符乙丑帝幸汴州次中牟李嗣源入汴州
帝還京師四月丁亥朔郭從謙弒帝崩于
絳霄殿

明宗仁德皇帝

成丙

天成元年夏四月丙午帝即位甲寅改元七月
葬莊宗神閔皇帝于雍陵殺豆盧革韋說八
月乙酉朔日有食之十月契丹盧文進以衆
來歸

亥丁

二年二月誅郭從謙三月荆南高季興叛附于
吳盧臺戍軍亂房知溫討平之十月帝幸汴

州戊子次京水汴州朱守殷拒命己丑帝至
汴州誅朱守殷安重誨害任圜

子戊

三年正月帝在汴州四月定州王都拒命王晏
球帥師討定州七月契丹救定州王晏球敗
契丹于唐河幽州趙德鈞敗契丹于府西九
月誅溫韜段凝

丑己

四年正月帝在汴州二月王晏球克定州誅王
都崔協薨三月庚午帝還京師四月契丹來
寇雲州七月誅毛璋荆南高季興順命赦之
長興元年二月乙卯祀上帝于圓丘改元九月

寅庚

東川董璋拒命石敬瑭帥師討璋十二月楚
王殷薨鄆國公仁矩薨

二年正月契丹突欲率眾來歸五月誅安重誨

十一月甲申朔日有食之

三年六月河決衛州西川孟知祥克東川誅董
璋京師大水七月越王鏐薨八月湖南馬希
聲薨

四年四月夏州李彝超拒命安從進帥師討夏
州不克八月皇子從榮為兵馬元帥十月赦
李彝超十一月戊子帝不豫壬午誅從榮戊

卯辛

辰壬

巳癸

戊帝崩于雍和殿

閔皇帝

長興四年十二月癸亥朔帝即位

應順元年正月改元西川孟知祥拒命盜殺安

州符彥超二月鳳翔從珂拒命王思同帥師
攻鳳翔不克從珂舉兵向京師康義誠帥師
討從珂河中安彥威陝州康思立叛王思同
歿于師康義誠以師叛戊辰帝遜于衛州四
月壬申從珂入京師戊寅帝崩于衛州

午甲

五代春秋卷上

五代春秋卷下

宋尹 洙撰

後唐末帝

甲午

清泰元年四月庚午帝即位乙酉改元誅康義

誠朱洪昭馮贇丙申葬明宗皇帝于徽陵八

月蜀王知祥薨九月契丹寇雲州

乙未

二年四月契丹寇新州六月契丹寇應州十月

閩王延鈞薨大饑

丙申

三年五月河東石敬瑭拒命張敬達楊光遠帥

師討河東鄴都軍亂逐劉延皓范延光帥師

討平之九月契丹救河東張敬達及契丹戰于城下敬達師敗績退師晉安契丹圍晉安戊申帝北征次懷州延州軍亂殺楊漢章閏十一月楊光遠害張敬達以晉安叛降于敬塘丁丑帝還京師庚辰敬塘迫京師辛巳帝崩于玄武樓

晉高祖

天福元年十一月帝在太原宮降制改元閏月庚辰帝至京師以幽州及鴈門以北地賂契丹十二月乙酉帝幸河陽餞契丹大相溫

申丙

酉丁

二年春正月乙卯朔日有食之安州盧文進叛奔于吳三月庚辰幸汴州趙瑩使契丹六月天雄軍范延光拒命張從賓以京師叛附于延光從賓殺皇子重信重義七月誅滑州符彥饒盜殺安州周壞越王元瓘殺其弟元珪誅張從賓

戌戊

亥己

三年正月帝在汴州七月作受命寶九月范延光降赦之十月建汴州為東京馮道使契丹四年四月廢樞密院七月庚子朔日有食之西京大水閩人弑其君胡

子庚

丑辛

寅壬

五年五月安州李全叛附于吳馬全節帥師討安州吳人救安州全節敗吳師克安州全奔吳六月放吳俘還

六年五月鎮州安重榮拒命河決滑州八月壬辰帝幸鄴都十月襄州安從進拒命高行周帥師討襄州安重榮舉兵向京師杜重威帥師敗重榮于宗城重榮遁歸越王元瓘薨

七年正月杜重威克鎮州誅安重榮五月帝不豫六月乙丑帝崩于鄴都保昌殿

少帝

寅壬

卯癸

辰甲

天福七年六月乙丑帝即位于鄴都八月高行周克襄州誅安從進大蝗十一月葬高祖皇帝于顯陵

八年二月乙丑帝還東京四月戊申朔日有食之十一月青州楊光遠叛附于契丹契丹入寇大饑

開運元年正月契丹陷具州乙酉帝北征次澶州契丹陷博州三月及契丹戰于戚城師敗績甲寅帝還東京六月復樞密院河決滑州七月改元八月閩人朱文進殺其君延義九

月庚午朔日有食之十二月丁巳楊光遠降
赦之癸酉誅楊光遠契丹入寇大饑

巳乙

二年正月帝北征二月次澶州三月契丹陷祁
州杜重威及契丹戰于陽城契丹敗績四月

甲申帝還東京八月甲子朔日有食之大饑

午丙

三年二月壬戌朔日有食之五月契丹入寇大
水十一月杜威帥師討契丹十二月師次中

渡杜威叛以師入于契丹皇甫過擊師相州

張彥澤寇京師彥澤殺桑維翰

未丁

四年正月帝遜于北郊契丹德光入京師誅張

彥澤癸卯帝遜于遼陽

漢高祖

未丁

元年二月帝即位于太原宮稱天福十二年三

月契丹德光遁歸死藥城五月丙申帝東幸

六月殺郇公從益甲子帝至京師楚王希範

薨閏七月鄴都杜威拒命八月越王弘佐薨

九月庚辰帝北征十一月杜威降赦之十二

月癸巳帝至自鄴都

申戌

乾祐元年正月乙卯改元帝不豫丁丑帝崩于

萬歲殿

隱帝

申戊

元年二月辛巳帝即位誅杜威三月河中李守
正拒命益以京北叛附于守正六月戊寅
朔日有食之七月王景崇以鳳翔叛附于李
守正郭威帥師圍河中越人廢其君侗十一
月殺李崧壬申葬高祖皇帝于春陵

酉己

二年二月丙子黑霧四塞五月京北降六月癸
酉朔日有食之郭威克河中誅李守正十月
契丹入寇十二月趙暉克鳳翔誅王景崇

戌庚

三年二月初舉樂 六月癸巳大風拔木十一

月甲子朔日有食之丙子誅楊邠史弘肇王

章鄴都郭威舉兵向京師澶州李弘義 州

宋延 叛附于郭威甲申慕容彥超帥師及

郭威戰于劉子陂帝親帥師敗績侯 繼

勳叛乙酉帝崩于師郭威入京師軍大掠乙

丑皇太后令立子贊馮道往徐州迎贊誅蘇

逢吉劉銖契丹入 十二月郭威帥師北討

次澶州還師壬戌威 京師楚人馬希萼弒

其君希廣王峻弒湘陰公于宋州

周高祖

亥辛

子壬

丑癸

寅甲

廣順元年正月丁卯帝即位八月葬漢隱帝楚

人殺希萼十月吳滅楚十二月兗州慕容彥

超拒命

二年四月丙戌朔日有食之五月庚辰帝東征

戊辰次兗州城下乙亥克兗州六月戊戌帝

至自東征九月契丹入寇朗州劉言逐吳人

復楚也

三年正月以戶部田賜民二月誅王峻六月大

水十二月誅王殷

顯德元年正月丙子朔帝祀上帝于圓丘改元

寅甲

帝不豫壬辰帝崩于滋德殿

世宗

顯德元年正月丙申帝即位晉人及契丹寇潞

州三月乙酉帝北征次澤州癸巳及晉人契

丹戰于高平晉人契丹敗績丙戌次潞州誅

樊愛能何徽四月葬高祖皇帝于嵩陵馮道

薨五月丙子帝次太原城下師圍太原不克

庚午帝至自太原

二年五月王景帥師伐蜀九月王景敗蜀師于

黃花谷秦成階三州以地來歸十一月克鳳

卯乙

辰丙

州景範晉王崇薨

三年正月廣京師外城壬寅帝南征李重進帥師敗吳師于正陽甲寅帝次正陽吳王來貢方物五月乙卯帝至自南征七月皇后符氏崩

巳丁

四年二月乙亥帝南征次下蔡壽州來降四月巳巳帝至自南征十月壬辰帝南征濠泗秦三州來歸

午戊

五年正月癸未朔帝次楚州城下師圍其城丙午克之丁卯次揚州吳王以江地來獻此四

未己

月壬申帝至自南征

六年三月甲戌帝北征五月次瓦橋關寧瀛漠三州來降帝不豫班師六月甲戌帝至自北征癸巳帝崩于萬歲殿

恭帝

顯德六年六月甲午帝即位十一月壬寅葬世

未己

宗皇帝于慶陵

申庚

七年正月甲辰帝遜

五代春秋卷下

丁亥冬十一月初九日黃昏假得馮已翁
即夕揮毫漏三下錄完

林宗志

五代紀畧

汲古後人毛文光炳若輯



五代歌

梁有太末唐莊明 閔帝之後末帝崩

晉有高齊漢高隱 周則太祖世恭承

相傳一十有三主 歷代五十有餘齡

後梁太祖皇帝 改元二

開平四年 乾元二年

朱溫宋州人初從黃巢為盜僖宗中和二年
巢兵勢日蹙溫降唐為河中行營招討副使

賜名全忠又為宣武節度使昭宗立為東平
郡王進東平王賜曰天再造竭忠守正功臣
進爵梁王弒昭帝宣遂篡唐稱皇帝都
洛更名晃乾化二年子友珪弒之而自立均
王友貞起兵誅友珪友貞立 在位六年壽六
十一葬宣陵

宋南宮仲靖曰朱溫宋州碭山人受唐禪即
位六年都汴京為第二子郢王友珪所弒
末帝 即均王改元二乾化仍太祖號也

乾化 二年

貞明 六年

龍德 三年

名友貞更名瑱太祖第三子美容貌沉厚寡
言溫恭儉約但寵信姻黨踈遠勳舊將士解
體卒伍離心唐兵入大梁梁主自殺國亡在
位十一年壽三十六

宋南宮仲靖曰瑱太祖第四子與群臣誅友
珪立十一年唐取曹州為唐皇甫璘所弒

仲靖史斷曰五代始于梁梁始于朱溫溫本

碭山一民為黃巢賊黨力屈來降王鐸都統崇

獎過分既受同華節鉞不因立功朝廷又與
宣武等重鎮寵過而驕貪心未歇志欲浸陵

遂行篡弒考其所為直巨盜耳篡國之後刑

虐不悛賊殺無辜不念聚麀之恥溫亂友釀

成友珪之禍友珪不未及七年其子屠之

如杞上肉殆與祿山無異回視前日殺迫之

慘天之報之足稱其施可畏也夫夫均王友

溫子第誅友珪而嗣立以義討賊成功固宜然

梁之稔禍非一朝夕天將廢之誰能興之况

均王膏梁之子才不逮人寵任趙張擯棄敬

李賣官鬻獄貨賂公行政事不修威權日縱

唐兵一麾宗廟遽滅是非李亞子莊用兵之

善乃梁之自不善耳夫朱三起自降盜遽擁

旌旄小人負乘貪欲無厭圍迫天子害朝臣

殺蔣玄殺太后何勦諸王德王裕弒二帝昭

暉柳璨帝移社稷迹其罪戾盡南山之竹有不足書

者王莽以來一人而已而凶殘淫穢抑又甚

焉此難以魯栢鄭厲斷矣作史者宜於唐亡

之後直書朱溫去其國號一如王莽于以正

其篡弒之惡亦庶幾稍快于人心者而乃泛

引春秋之義書而君之謂春秋于大惡不誅

絕焉嗚呼使春秋于大惡果不誅絕則是有

心于存惡也為春秋而存惡孔子何人若梁
之僭國凡二主一十七年而唐莊宗滅之丁起

卯訖
癸未

後唐莊宗皇帝 改元一

同光 三年

名存勗沙陀人朱耶氏先世事唐有功賜姓
李父克用以平黃巢功封晉王存勗襲封以
兵威克敵滅梁稱帝都汴遷洛南既而矜功
自喜好畋嗜色寵伶人信宦官御衆無法軍
士叛亂中流矢殂在位三年壽三十四葬于

河南新安縣

宋南宮仲靖曰李存勗克用長子滅梁即位
四年都洛陽郭從謙作亂帝中流矢而崩

明宗仁德皇帝 改元二

天成 四年 長興 四年

胡人名邈佶烈晉王克用養子更名嗣源亂
軍弒莊宗請嗣源監國遂嗣位更名亶性不
猜忌與物無競登極之年已踰六十在位年
穀屢豐兵革罕用校于五代粗為小康亦賢
君也在位八年壽六十七葬徽陵

宋南宮仲靖曰曹本夷狄無姓氏克用養子
莊宗遇弒立 在位八年

閔皇帝 改元一

應順 一年

名從厚明宗之子也寬柔不斷潞王從珂鎮
河東發兵反直入洛陽閔帝出奔從珂廢之
自立尋弒之在位一年壽四十五

宋南宮仲靖曰從厚明宗第三子明宗不豫
詔帝即位潞王舉兵至南州帝為所弒

末帝 即潞王 改元一

清泰 三年

本姓王為明宗養子更名從珂驍勇與石敬
瑭素不相得敬瑭作亂求援契丹合兵破唐
契丹冊敬瑭為晉帝潞王自焚死國亡在位
三年壽五十一

宋南宮仲靖曰從珂明宗養子立三年石敬
瑭引蕃兵至河陽王積薪自焚

仲靖史斷曰莊宗之興唐本于李克用克用
雖沙陀微種奄有河東巢寇之平功為諸將
第一上源之變訴于朝廷而不獲仲遂與賊

梁治兵相攻積年不解然安于爵列為唐純
臣每有除吏恥行墨制必表聞朝廷觀其答
蜀王書云誓此一生靡敢失節此其忠義上
通於天賢於一時方伯遠矣故先儒稱其得
人臣之體孫唐述其忠義功烈為唐末第一
流致堂蓋以此也作史君子於賊梁篡唐之
後每克用舉事必特書唐晉王克用云云亦
庶幾可以明克用素志矣今乃不然於賊梁
則進之以帝號而不疑於唐純臣則斥之以
入寇而不恤冠履倒置邪正悖戾其何以訓

哉莊宗以弱年嗣位麾下諸將皆白首行陣
之人乃能以恩信結其心英果折其氣莫不
竭力盡命順指如意遂服真定并山東取漁
陽兼魏博策馬渡河而梁寇殄滅當是時諸
侯陸梁踞肆者皆駭愕相顧莫敢保其土地
王衍恃其險遠辭禮踞慢偏師西指而劍閣
不守觀其所為可謂壯矣惜其滅梁之後氣
驕志小矜功自喜用宦者為監軍以伶人為

刺史陳俊儲悅姦諛之輩任亡國之人蜀樂

工嚴旭德源貸民錢恣遊獵甲申獵于伊闕采民

女納于借二稅預借河南造樓觀殺勳臣史

不絕書綱目性酷好伶優恣其出入狎侮縉紳

群臣憤疾莫敢吐氣至有反相結托以希覲

恩賞者李天下之號披襟當之至於批頰而

不恥此乃小人下流之態豈可以負乘南面

之上哉弒於門高郭從謙焚以樂器蓋其自

取作史者於其被弒也以伶人郭從謙表而

出之綱目所以為後世鑒戒也昭昭矣夫晉王

克用艱難經營天下沒身猶為唐臣亞子自

立亦已數年三天告廟志願咸畢其不改父

志誠可尚者莊宗果能繼父之志有忠唐之

心則勦除巢寇復唐社稷立其後裔此上策

也縱不能然則俟賊梁既滅正其罪戾然後

播告天下稱尊御事以紹唐統雖曰不正亦

庶幾有以自別于一時紛紛盜賊之徒者矣

今乃棄張承業之忠言聽吳蜀之佞說不待

梁滅已即帝位而居之為善不終致無以異

于一時之僭取者焉此其欲速不達見小利

則大事不成居位三年身死國滅其有故夫

嗣源本夷狄之人為莊宗養子初無黃屋之

心遭時之亂邂逅得國是為明宗自此以來
主天下者又一氏姓也而克用亞子裔嗣至
此已絕作史者於此宜書曰莊宗之唐亡然
後別溯源姓系表而著之斯實錄笑觀其泣
政之初斬孔謙而去苛法誅宦寺而委宰相
令百官以行轉達選文學以共政事命諸道
以均民田廢內藏庫四方所上物悉歸之有
司歲嘗早曠已而暴雪詔無得掃曰此天所
以賜我也數與宰臣馮道等言未報賤民無
疾則欣然曰當與公等作好事以答上天誅

賦吏以示蠹民之戒褒孫岳以化清廉之風

而又遠女色而減後宮之負止留人懲閹寺而

損宦者之數留三人念民力而免逋負之錢免通

負者三百萬絕音樂之好而裁伶優薄口體

緡者二百之奉而省庖厨戒田獵之為民害而縱鷹犬

惡冗負之費而罷有名無益之使恤民力弊

於轉輸而遣諸軍就食近畿戒橫歛斥私獻

而抑牧守進奉致堂因渾公兒之失刑減膳

十日以謝幽寃仍戒諸道以謹決遣容齋三

居正五代史頭此數者王者事也而英明雄

歐陽史出之

達如漢武帝唐太宗猶不能之明宗夷狄之人且目不知書而其所為暗合古訓有如此者其賢益可尚矣作史者不惟不能表其實且或從而芟去之猥以為五代之君豈非闕典哉致堂管見是以夜在宮中焚香祝天願早生聖人為生民主其精忱所發感通天地在位八年有年之書兩見于冊為近世罕有民生斯時蓋亦幸而休息焉故前輩稱其為人純質歐陽文忠性不猜忌司馬公美善頗多致堂管見蓋以此夫惜其以戲殺從璪子從璪戲登而無父

子之恩以誣殺重誨姓安而無君臣之義年幾七十諱言儲嗣眷戀把握不肯去手卒致從榮稱兵驚亂宮闈父子祖孫一日而絕殺從榮及其子俄而帝崩身肉未寒家國俱破雖曰輔相非人亦不學所致夫潞王本王氏為明宗之養子僥倖以奪人之國蓋至是而國姓三變焉方其入洛許軍士以人賞百緡及其至洛府庫枵然金帛不贏三萬顧乃掊剝聚斂括民財而給之民心怨嗟思亂者眾其始也戕民以買國其終也民散而國亦從之矣使其末年

無石敬瑭跋扈吾恐反叛弒逆之人唐王從厚立洛

王從珂舉兵討之唐軍潰潞王從珂入洛亦

陽廢其主從厚為鄂王而自立尋弒之

不能久有國于天地間也而况奪敬瑭之節

度殺敬瑭之子弟敬瑭前河東節度改天平

人以自促其亡也哉唐之為國凡四主三姓

一十四年起同光元年癸而晉取之焉

後晉高祖皇帝改元一

天福七年

石敬瑭唐明宗之壻以金德王既即位割十

六州之地以賂契丹事之甚謹上表稱兒皇

帝羣臣恥之成德節度安重榮殺契丹使者

晉王殺重榮契丹問罪不已晉主以愛殂子

幼景延廣等以國家多難議立齊王貴重在

位七年壽五十一葬顯陵

宋南宮仲靖曰石敬瑭太原人與契丹共起

兵滅唐契丹立敬瑭為晉帝都汴京在位七

年崩

少帝即齊王改元一

開運四年

名貴重既立上書契丹稱孫不稱臣契丹大

怒問罪連年交戰其後契丹兵入大梁晉王
出迎契丹封之為員義侯遷北方契丹既去
河節度使劉知遠舉兵入大梁自立為帝
在位四年晉亡

宋南宮仲靖曰重貴高祖從子景延廣宣詔
立之在位五年耶律德光篡稱國為大遼
仲靖史斷曰晉興于石敬瑭以唐朝禁鬻之
親地尊勢重迫于猜嫌請兵于契丹賂之以
土地而取人之國迹其以中國之君而屈身
于夷狄玩好珍異旁午道途小不如意譙責

繼之當時朝夜莫不痛心而敬瑭事之殊無
赧色夫以古人行一不義殺一不辜得天下
猶不為而况附夷狄以伐中國又從而取之
者乎作史者書晉于契丹之事則曰晉上尊
號于契丹書契丹于晉之事則曰契丹加晉
主尊號所以著中國夷狄首足倒懸之極其
惡契丹而賤敬瑭也甚矣綱目齊王捨桑維翰
之忠謀信景延廣之狂策內政不修而外挑
強胡自陽城一捷之後而謂國勢無虞驕奢
益甚四方貢獻皆歸內府廣置宮室崇飾後

庭賞賜優伶多寡無算委任馮玉倚勢弄權
賂遺輻湊朝政日壞當旱蝗水潦國脉如綫
之時方且今年遣使括民穀明年遣使括民
財迨夫契丹入寇境內皇皇猶調鷹苑內排
沮人言遂使哭聲振天橫屍蔽野其君束手
就縛其臣計籌伏辜迹其人謀豈不幸哉夫
以晉之立國絕滅三綱屏棄五常報叔母為
妻而夫妻亂矣左傳淫季尊蠻夷為父而父
父妻曰報子亂矣為中國主臣于契丹而君臣亂矣三
者既失中國已淪胥為夷不待契丹主服赭

袍坐崇元殿令百官行入閣禮而風聲氣習
之來侵已非一日矣此蓋人道之大變中國
之巨禍至使斯人與禽獸雜處而又罹其害
焉詎容常理斷哉晉之立國二主一十一年
起天福元年契丹滅之而漢興焉
丙申訖丙午後漢高祖皇帝改元一仍天福不忘晉也

天福 一年 乾祐 一年

姓劉先名知遠即位以水德都汴更名嵩嚴
重寡言自以為漢之後國號曰漢立高祖光
武皇帝廟百世不遷皇子承訓早喪漢王哀

痛病殂在位二年壽五十四葬睿陵
宋南宮仲靖曰劉知遠仕晉為北平王少帝
北狩王因晉亂即位太原入都汴立一年
隱帝未改元

乾祐三年

名承佑高祖第二子狎昵嬖倖羣下為亂為
叛兵所弑太后臨朝時契丹入寇太后勅郭
威出征將士擁威還京立為帝漢亡在位三
年壽二十

宋南宮仲靖曰承祐高祖第二子即位二年

而為郭永明所弑焉

仲靖史斷曰漢起於劉智遠擁精銳之兵居
形便之地屬胡騎北還中原無主不動聲色
據南面而君之蓋非幸禍而興適乘時而作
也故一聞晉陽之稱帝而陝晉諸郡爭殺契
丹使者遣使奉表稱款之不暇中國之正氣
藉是得以少延亦可謂幸矣然智遠素非掃
除暴亂之才又無積行累仁之德偶然得之
已無所憑藉而况其始入洛陽遣使者殺送
益及入大梁制盜賊賊無多少皆死所為若

此其能久乎隱帝雖有君天下之號而政非已出民不知君自三叛既平日驕日縱郭允明以諂媚而得幸王章以聚斂而掌財一二年間太白晝見日食月朔大風示變史不絕書而方且無故屠其大臣獸窮則搏自殞其軀父子相承四載而滅自古之享國未有如此之促者也漢之立國凡二主四年而周取之焉

起丁未訖庚戌

後周太祖皇帝 改元一

廣順 三年

郭威為漢鄴都留守天雄節度樞密隱帝過弒將士擁立之以木德都汴為人儉約處事平允亦一時之英主也在位三年壽五十三葬新鄭縣之韓堡

宋南宮仲靖曰郭威邢州人仕漢為樞密使漢隱帝遇弒帝遂即位都汴京立三年崩

世宗皇帝 改元一

顯德 六年

本姓柴名榮周太祖妻之姪也太祖無子以榮為嗣為人英武承積亂之後用心進取制

勝克敵既而治律曆興禮樂審法令修政事
用賢才養百姓亦五代之賢君也功未成而
早亡在位六年壽三十九葬愛敬陵

宋南宮仲靖曰榮本姓柴太祖養子奉遺制
即位六年然曆數有歸故降年不永

恭帝未改元仍顯德舊號

名宗訓世宗之子七歲即位世宗每歲征伐
趙太祖匡胤累立大功中外附順之顯德七
年河東劉均與北軍入寇命匡胤北征至陳
橋驛諸軍忽變策匡胤為天子改國號曰宋

國亡在位八月壽二十二

宋南宮仲靖曰宗訓世宗長子七歲即位六
月禪位于聖宋封為鄭王奉周祀

仲靖史斷曰周興于郭威二兩弒其君

漢主承祐

湘陰公贊篡取大位得國之初罷貢獻珍食碎漢

官寶器詔百官上封事又立訴訟法定稅牛
皮法罷營田務立租牛課又謁孔子祠躬拜
其墓當此亂離之際善政迭書况有王峻以
贊軍事有范質以守法度有李穀以道上意
雖享國日淺而施為有足稱者故先儒稱其

為唐明周世之亞致堂管見蓋以此耳然帝既已
文身而甘心從夷而又偃然自處大位身體
髮膚受之父母雖小人亦以毀傷為忍况帝
既南面為君冒然自處曾無忤容則是黃屋
之中居一點人身何以令天下衆庶見乎觀
帝語劉崇曰自古豈有花項天子則帝之自
處亦甚明矣世宗以柴氏子入繼大統蓋至
此而周之國姓一變焉即位之初憤然欲削
平天下蓋念亂甚而望治切真中原之主也
深知近世之弊起於威令之不行上陵下僭

高平之役首誅樊何以正軍法革五十年之
弊政遂能變弱為強因敗為功乘勝逐北至
於大原歸而簡兵整衆銳意進取于是南割
江西克秦鳳北取三關威武之聲震響夷夏
應機決策出人意表其伐南唐問李穀以計
策後克淮南盛穀疏以錦囊寘之坐右英武
之才可謂雄傑又勤于為治百司簿籍過目
不忘發奸摘伏聰明如神閒暇則召儒臣讀
前史商確大義性不好絲竹珍玩之物群下
有過輒面責之服則赦之有功則厚賞之文

武恭用各盡其能方且與王處訥竇儼之徒
修通禮正刑統其制度文為皆可施之後世
而又以信令御群臣以正義責鄰國王環以
不降受賞劉仁瞻以堅守蒙褒張美以私恩
見疎嚴續以盡忠獲存蜀兵以反覆就誅馮
道以失節見棄此其好惡固不凡矣况當是
時王朴實佐之朴雖出于五季紛擾之中然
明敏多才非獨當世之務通曉雖至陰陽律
曆靡不究心所定敬天曆當時莫能有異所
考正雅樂訖今行之不改當其為帝畫平邊

之策曰攻取之道從易者始意以吳為易圖
并為強敵欲先取吳而後取并及我宋受命
平定四方削平僭偽皆不啻契券之合其君
臣相得近世以來未之有也是以即位之明
年廢天下佛寺三萬三百八十六以佛像鑄
錢嘗夜讀書見唐元稹均田圖乃詔頒圖法
於天下使吏民先習知之期以一歲大均天
下之田其規模豈小小哉通鑑又五代史迹其注意
元元留心邦本於五代十二君之中獨稱為
最故致堂云五代十二君獨惜其左右無謀

最

故致堂云五代十二君

獨惜其左右無謀

學之臣欠格心事業故于人道之間亦不免
多有悖戾者符氏為李崇訓之婦夫死家破
豈足為天下母帝則納以為后而夫婦之倫
不正柴守禮為帝本生之父不能迎致京師
奉養盡禮至使犯法殺人莫可詰問而父子
之道有虧又其用法大酷綱目群臣職事小有
不舉往々寘之極刑略無顧惜之意薛居正
舊史悉書而備載之以見其不能不為盛德
之累容齋三筆良可恨夫恭帝以區々孺子纂承
大統不足以當皇天之眷命然真人德業日

隆已為天下所歸戴則其重負安得而不釋
乎周之為國凡三君兩姓歷九年起辛亥而訖已未
宋興焉

仲靖總斷曰五代之君更十有二其可稱者
幾何曰昔者聞諸先儒曰五代之君周世宗
為上唐明宗次之其餘無稱焉致堂管見可謂篤
論矣或曰五代之間四方割據其正統所在
若何曰作史者當有書法矣起自梁之丁卯
訖于周之已未止書甲子不具建年其意甚
微矣歷考五代之世正如中夜晦冥孤山窟

谷之間鼯鼠鳩鴉狐狸鬼魅何物不有故有以盜賊而君天下者朱梁是也有以夷人而君天下者後唐晉漢諸君是也有以黥率而君天下者周郭威是也有以丐養之子而君天下者唐明宗潞王與周世宗是也其變之大者則同姓之嗣斃于刀鋸殺戮而不卹盜販夷人之裔則養為己子使紹大統而不顧中國之君已嘗北面而委質者則叛逆篡弒無所不為夷狄之主中國所當扼而絕者則稱父稱君極其卑諂首足倒懸冠屨倒置自

有書契以來其禍敗之酷滅亡之速未有盛於斯者此蓋否之窮剝之終困之甚物之極而將返焉

五代紀畧

